



**Komisija za borbu protiv korupcije**

Broj: 01-04-8567-2/22  
Zenica, 06.06.2022. godine

SKUPŠTINA ZENIČKO - DOBOJSKOG KANTONA			
Primljeno	06.06.2022		
Org. jed.	Broj	Prilog	/rijednost
01-04-	8567-2/22		

**SKUPŠTINA  
ZENIČKO-DOBOJSKOG KANTONA  
n/r predsjedavajućeg**

**PREDMET:** *Izveštaj o radu za 2021. godinu, dostavlja se*

U prilogu Vam dostavljamo Izveštaj o radu Komisije za borbu protiv korupcije za 2021. godinu, broj: 01-04-8567-1/22 od 06.06.2022. godine, koji je utvrđen na 19. sjednici Komisije, održanoj dana 06.06.2022. godine, a koji je u Programu rada Skupštine za 2022. godinu planiran za razmatranje u II kvartalu.

**Prilog:** *kao u tekstu*

**PREDSJEDAVAJUĆA**



**Dostavljeno:**

Naslovu

1x Predmet 19. sjednice Komisije/04-02

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
SKUPŠTINA  
- Komisija za borbu protiv korupcije -**

**IZVJEŠTAJ O RADU  
za 2021. godinu**

**juni 2022. godine**

## UVODNE NAPOMENE

Izvještaj o radu Komisije za borbu protiv korupcije je utvrđen na osnovu Smjernica rada Komisije u mandatnom periodu, donesenih na 2. sjednici Komisije održanoj 29.03.2019. godine, u kojima je, između ostalog, navedeno podnošenje Skupštini Zeničko-dobojskog kantona godišnjeg izvještaja Komisije za borbu protiv korupcije, a Poslovníkom Skupštine Zeničko-dobojskog kantona nije propisana obaveza Komisije da Skupštini Zeničko-dobojskog kantona podnosi Izvještaj o svom radu.

## NADLEŽNOST KOMISIJE ZA BORBU PROTIV KORUPCIJE

Nadležnost Komisije za borbu protiv korupcije utvrđena je u odredbi člana 44a. Poslovníka Skupštine Zeničko-dobojskog kantona - Treći Prečišćeni tekst ("Službene novine Zeničko-dobojskog kantona", broj: 14/18, 18/18 isp. 7/19 i 7/20, u kojoj je navedeno da je Komisija za borbu protiv korupcije nadležna da:

- a) prati stanje na uočavanju pojava svakog oblika korupcije tj. zloupotreba ovlasti radi lične ili skupne koristi, bilo da se radi o javnom ili privatnom sektoru,
- b) prati pojave nezakonitog raspolaganja budžetskim sredstvima, javnim fondovima, drugim vidovima javne potrošnje, kao i raspolaganja sredstvima u javnim preduzećima, javnim ustanovama i preduzećima sa većinskim državnim kapitalom;
- c) ukazuje poslanicima Skupštine na pojave nezakonitog ili nesavjesnog korištenja sredstava u oblastima koje prate i podnosi mišljenja i prijedloge Skupštini u ostvarivanju njenih prava i dužnosti u okviru borbe protiv korupcije;
- d) daje mišljenja o propisima i drugim aktima od značaja za borbu protiv korupcije i inicira donošenje odgovarajućih propisa i drugih akata koji će doprinijeti borbi protiv korupcije;
- e) ostvaruje saradnju sa drugim državnim organima i sličnim tijelima u Bosni i Hercegovini, Federaciji BiH i drugim kantonima, kao i međunarodnim organizacijama i tijelima u okviru borbe protiv korupcije;
- f) inicira ispitivanje i razmatranje eventualnih slučajeva korupcije na području Kantona, po vlastitom saznanju ili po podnesenim prijavama i o uočenim i prijavljenim pojavama korupcije obaviještava nadležne organe;
- g) obavlja i druge poslove shodno ovom Poslovníku i potrebama Skupštine.

Komisija za borbu protiv korupcije sastoji se od 5 članova od kojih su 4 poslanici Skupštine, a 1 vanskupštinski član i to:

- 1. Amira Hadžić, predsjedavajuća**
- 2. Sedmedin Amidić, zamjenik predsjedavajuće**
- 3. Mladen Simić, član**
- 4. Maida Tanović, član**
- 5. Ibrahim Dizdarević, član**

**PODUZETE AKTIVNOSTI**  
**KOMISIJE ZA BORBU PROTIV KORUPCIJE**  
**U IZVJEŠTAJNOM PERIODU**

Komisija za borbu protiv korupcije je u izvještajnom periodu održala 7 sjednica, od kojih su 2 sjednice održane zajedno sa Komisijom za ravnopravnost spolova, ljudska prava i građanske slobode, na kojima se raspravljalo o 21 tački dnevnog reda.

Rad Komisije se uglavnom zasnivao na razmatranju dostavljenih predstavki u kojima se ukazuje na moguće postojanje eventualnih slučajeva korupcije, odnosno mogućih koruptivnih radnji, nakon čijeg razmatranja se od nadležnih organa tražilo dostavljanje određenih podataka na osnovu kojih bi se mogao steći utisak o mogućem postojanju korupcije, odnosno o postojanju elemenata koji ukazuju na moguću korupciju, kada bi se predstavka prosljedila nadležnim organima. Predstavke su se većinom odnosile na postupke prijema u radni odnos u obrazovnim ustanovama, odnosno osnovnim školama i javnim ustanovama predškolskog odgoja i obrazovanja.

Svi podnosioci predstavki i prijava dostavljenih Komisiji su pismeno obavještavani da je njihova predstavka odnosno prijava razmatrana, kao i o poduzetim aktivnostima po istoj. Komisija je nastavila saradnju sa Timom Vlade Zeničko-dobojskog kantona za borbu protiv korupcije, koja je započela u prethodnoj godini, a pored toga uspostavljena je komunikacija i sa Kantonalnim tužilaštvom Zeničko-dobojskog kantona, ali zbog postojeće pandemije i epidemiološke situacije koja je bila nepovoljna, nisu održani planirani radni sastanci.

Na vidnom mjestu na službenoj web stranici Vlade i Skupštine Zeničko-dobojskog kantona, postavljen je baner „Prijavite korupciju“ pomoću kojeg se mogu prijaviti slučajevi korupcije, sa uputom da sve prijave o eventualnim slučajevima korupcije na području Zeničko-dobojskog kantona građani mogu prijaviti Komisiji za borbu protiv korupcije Skupštine Zeničko-dobojskog kantona i to: pismeno putem pošte, e-mailom na e-mail adresu: [korupcija@zdk.ba](mailto:korupcija@zdk.ba) ili lično predajom prijave na protokol/pisarnicu Zeničko-dobojskog kantona, Ulica Kučukovići broj 2 u Zenici, zgrada RMK Promet (sjedište Kantona).

Na istom mjestu je postavljeno i Saopštenje Komisije u kojem je navedeno da “Komisija za borbu protiv korupcije ukazuje svim potencijalnim podnosiocima anonimnih prijava korupcije na odredbu člana 6. stav 2. i 3. Zakona o postupanju sa predstavkama i prijedlozima («Službene novine Zeničko-dobojskog kantona», broj: 10/05), po kojima se anonimna predstavka i prijedlog, po pravilu ne uzimaju u postupak, te da se iznimno uzimaju u postupak ako sadrže dovoljno elemenata koji upućuju na postojanje nedozvoljenih radnji i pojava koje je neophodno spriječiti ili otkloniti, ako organ koji je primio ocijeni da postoje opravdani razlozi za njihovo razmatranje”.

## **PRIKAZ AKTIVNOSTI KOMISIJE ZA BORBU PROTIV KORUPCIJE**

### **U IZVJEŠTAJNOM PERIODU PO SJEDNICAMA**

**Na 10. sjednici Komisije za borbu protiv korupcije, održanoj dana 14.01.2021. godine,** razmatrane su dostavljene obavijesti Ministarstva za obrazovanje, nauku, kulturu i sport i direktora JU Medicinska škola u Zenici, u vezi ispitivanja eventualnih slučajeva korupcije u ovoj školskoj ustanovi, te predstavke Ibrahimagić Mirze iz Jelaha u vezi kriterija i načina bodovanja kandidata prilikom zasnivanja radnog odnosa u OŠ „Kulin Ban“ Tešanjka Tešanj i kantonalno-ugostiteljskih inspektorica Kantonalne uprave za inspeksijske poslove, u vezi kojih su članovi Komisije zauzeli odgovarajuće stavove shodno svojim nadležnostima, te tačka tekuća pitanja, u okviru koje su članovi Komisije razgovarali o potrebi održavanja sastanka sa predstavnicima Kantonalnog tužilaštva u Zenici.

**Na 11. sjednici Komisije, održanoj dana 11.02.2021. godine,** razmatrane su predstavke Edina Šestana iz Gračanice protiv Upravnog organa Javne ustanove Centar za djecu i odrasle sa posebnim potrebama Zeničko-dobojskog kantona, zbog sumnje na navodnu zloupotrebu položaja i ovlasti radi sticanja dobiti, predstavka i dopuna predstavke Hasibe Smajić, zaprimljenih putem mail-a [korupcija@zdk.ba](mailto:korupcija@zdk.ba) u vezi navodnih koruptivnih radnji Vlade Zeničko-dobojskog kantona i drugih učesnika vezano za sudska izvršenja pravosnažnih sudskih presuda, te je razmatrala dostavljene obavijesti nakon održavanja 10. sjednice Komisije i to: Ministarstva za pravosuđe i upravu vezano za predstavke kantonalno-ugostiteljskih inspektorica Kantonalne uprave za inspeksijske poslove, zatim dostavljene obavijesti Ministarstva za obrazovanje, nauku, kulturu i sport, u vezi JU Medicinska škola Zenica, te Ministarstva za obrazovanje, nauku, kulturu i sport, vezano za predstavku Mirze Ibrahimovića iz Jelaha, u vezi kojih je Komisija zauzela odgovarajuće stavove shodno svojim nadležnostima.

Pod tačkom tekuća pitanja, članovi Komisije su raspravljali o ranije planiranim radnim sastancima sa Timom Vlade Zeničko-dobojskog kantona za borbu protiv korupcije, odnosno određenim edukacijama na koje je trebao biti pozvan i predstavnik navedene skupštinske komisije, kao i o ranije planiranom radnom sastanku sa predstavnicima Kantonalnog tužilaštva Zeničko-dobojskog kantona, po njihovoj inicijativi.

**Na 12. sjednici Komisije, održanoj dana 17.03.2021. godine,** Komisija je razmatrala predstavke Haračić Mirhe iz Visokog, zastupane po punomoćnicima iz zajedničke advokatske kancelarije „Miličević Darko&Fazlić Mirza“ iz Brčkog, na rad školskog odbora OŠ „Safvet-beg Bašagić“ u Visokom, te prispele odgovore i to: dopunu obavijesti Kantonalnog upravnog inspektora, u vezi postavljenja na mjesto glavnog kantonalnog turističko-ugostiteljskog inspektora, po predavci kantonalnih turističko-ugostiteljskih inspektorica Fatime Donlagić i Sabine Karahodžić, te dostavljene podataka Ministarstva za finansije po predavci i dopuni predstavke Hasibe Smajić u vezi izvršenja pravosnažnih sudskih presuda. Zatim je razmatrala obavijest po predavci Emira Bašića, kandidata za direktora Kantonalne uprave za inspeksijske poslove Zeničko-dobojskog kantona, povodom kojih je Komisija zauzele odgovarajuće stavove shodno svojim nadležnostima, te se upoznavala sa „Drugim izvještajem o usklađenosti Bosne i Hercegovine sa preporukama GRECO u četvrtom krugu evaluacije“.

Pod tačkom tekuća pitanja, članovi Komisije su zadužili Stručnu službu Skupštine da pripremi Izvještaj o radu Komisije za 2020. godinu, a koji je Programom rada Skupštine za 2021. godinu predviđen za razmatranje na sjednici Skupštine u mjesecu aprilu, te primili na znanje odgovor kantonalnog tužioca Ermina Imamovića u vezi predlaganja termina održavanja radnog sastanka članova Komisije sa istim, u kojem je navedeno da uslijed epidemiološke situacije zbog COVID-a nisu u prilici predložiti konkretan termin za sastanak, te da se isti prolongira kada se za to steknu uslovi.

**Na 13. sjednici Komisije, održanoj dana 21.04.2021. godine,** Komisija je razmatrala dostavljene odgovore i to: Odgovor JU Centar za djecu i odrasle osobe s posebnim potrebama po predstavi Šestan Edina i odgovor Ministarstva za obrazovanje, nauku, kulturu i sport po predstavi Haračić Mirhe, te predstavke Begić Envera u vezi policijskih službenika PS Maglaj i Krivičnu prijavu Sinanović Sabahudina protiv NN policijskih službenika, povodom kojih je zauzela odgovarajuće stavove shodno svojim nadležnostima, te utvrdila Izvještaj o radu Komisije za borbu protiv korupcije za 2020. godinu, te isti jednoglasno utvrdila i uputila u skupštinsku proceduru.

**Na 14. sjednici Komisije, održanoj dana 23.11.2021. godine,** Komisija je razmatrala Informaciju o provedenim aktivnostima u vezi primjene Etičkog kodeksa poslanika u Skupštini Zeničko-dobojskog kantona u saradnji sa Misijom OSCE-a za BiH. Tom prilikom je Komisija donijela Zaključak da inicira zajednički sastanak sa Komisijom za ravnopravnost spolova, ljudska prava i građanske slobode, te predstavnikom Misije OSCE-a u BiH, sa okvirnim terminom održavanja sastanka u prvoj polovini decembra 2021. godine, a u cilju afirmacije etičkog principa iz člana 14. Etičkog kodeksa poslanika u Skupštini (Zabrana korupcije).

**Na 15. zajedničkoj sjednici održanoj sa Komisijom za ravnopravnost spolova, ljudska prava i građanske slobode, dana 13.12.2021. godine,** Komisija je razmatrala afirmaciju etičkog principa iz člana 14. Etičkog kodeksa poslanika u Skupštini Zeničko-dobojskog kantona - zabrana korupcije ("Službene novine Zeničko-dobojskog kantona", broj: 7/11).

Tom prilikom je donesen zaključak da Komisija za borbu protiv korupcije i Komisija za ravnopravnost spolova, ljudska prava i građanske slobode uspostavljaju zajedničku saradnju po pitanju provođenja člana 6. tačka i) i člana 15. Etičkog kodeksa poslanika u Skupštini Zeničko-dobojskog kantona - „zabrana korupcije“ i da će održati zajedničku radionicu dana 23.12.2021. godine, zajedno sa predstavnikom Misije OSCE-a, na kojoj će se definisati anketni listić za poslanike u Skupštini Zeničko-dobojskog kantona, a koji će se odnositi na poštivanje etičkog principa iz člana 6. tačka i) Etičkog kodeksa-„zabrana korupcije“ nakon čega će obje komisije dogovoriti naredne aktivnosti koje se odnose na istup pred medije radi obavještanja i upoznavanja šire javnosti o radu istih, sa akcentom na zabranu korupcije.

**Na 16. zajedničkoj sjednici održanoj sa Komisijom za ravnopravnost spolova, ljudska prava i građanske slobode, dana 24.12.2021. godine,** razmatrana su pitanja u vezi sadržaja anketnog listića koji bi se odnosio na poštovanje etičkog principa iz člana 6. tačka i) Etičkog kodeksa poslanika u Skupštini Zeničko-dobojskog kantona ("Službene novine Zeničko-dobojskog kantona", broj: 7/11), te podizanje svijesti poslanika o poštovanju ovog principa, kao i podnošenje inicijativa od strane ovih komisija za donošenje zakonske regulative koja bi doprinjela smanjenju korupcije, nakon analiziranja rezultata ankete.

## ZAKLJUČNA RAZMATRANJA

1. U izvještajnom periodu nije bilo većeg broja prijava odnosno predstavki dostavljenih Komisiji za borbu protiv korupcije u kojima bi se ukazivalo na moguće postojanje eventualnih slučajeva korupcije, iz čega se može zaključiti da se mali broj građana usuđuje prijaviti korupciju, da li zbog straha od mogućih posljedica ili zbog nedovoljne informisanosti o mogućim načinima prijave korupcije. Također je utvrđeno da određeni broj predstavki ne sadrži dovoljno podataka i dokaza iz kojih bi se moglo zaključiti o eventualnom postojanju slučajeva koruptivnih radnji koje bi predstavljale osnov za upućivanje istih nadležnim organima.
2. U narednom periodu bi trebalo pristupiti donošenju odgovarajućih zakonskih propisa na nivou Federacije BiH, kojima bi se zaštitili prijavitelji korupcije.
3. Nadležnosti Komisije za borbu protiv korupcije su veoma ograničene i uske jer ista nije nadležna za vođenje bilo kakvih istraga po dostavljenim prijavama eventualnih slučajeva korupcije, već je njena uloga prije svega preventivna, da kao stalno radno tijelo zakonodavnog organa vlasti u Kantonu, svojim autoritetom i pružanjem pomoći podnosiocima prijava i predstavki, te prosljeđivanem istih nadležnim organima, utiče na sprječavanje mogućih koruptivnih djela i radnji.
4. Iz sadržaja dostavljenih prijava odnosno predstavki upućenih Komisiji za borbu protiv korupcije, odnosno iz zahtjeva podnosioca navedenih u istim, može se zaključiti da podnosioci prijava i predstavki ne poznaju nadležnost Komisije, te da smatraju da Komisija ima veća ovlaštenja i veće mogućnosti za poduzimanje određenih mjera i aktivnosti nego što stvarno ima, shodno Poslovniku Skupštine Zeničko-dobojskog kantona.
5. Izvještaj o radu Komisije za borbu protiv korupcije je uvršten u Program rada Skupštine Zeničko-dobojskog kantona za 2022. godinu.

Broj: 01-04-8567-1/22

Zenica, dana 06.06.2022. godine

**PREDSJEDAVAJUĆA**



**Dostavljeno:**

- 1x Predsjedavajućem Skupštine Zeničko-dobojskog kantona,
- 1x U spis predmeta 19. sjednice Komisije.